

曾靜叛逆正法案

刑部為欽奉

上諭事看得曾靜悖逆克頑罪大惡極情同梟獍形類豺狼久蓄奸謀潛懷異志先令逆賊張熙等糾合叛黨訪求逆賊呂留良遺書崇奉其悖逆之論復探聽發遣奸黨等流言深信其狂誕之語于是胆肆克逆自命以為上應聯珠合璧之祥謂天欲開治求人吳楚東南之隅舍棊其誰因而編造逆書潛令逆賊張熙從湖南至陝西原任總督岳鍾琪處投獻勸以反叛構亂昇平之世妄逞不軌之謀且其所知新錄逆書輒敢詆毀

本朝誣讒

若父狂嗥惡吠皆凡為臣子所不忍聽聞竊思天壤之間含生之屬莫不戴高履厚成識尊親即蜂蟻之微尚知君臣大義從未有如曾靜生

成案彙編

卷十三

賊盜一

三

堯舜之代世為太平之民逆天悖理顯行反叛為亂臣賊子之尤甚者蒙我

世宗憲皇帝擴覆載之量施好生之仁屏棄法外不即加誅而普天率土載髮含齒之倫聞有曾靜之事莫不憤恨切骨皆思食肉寢皮不甘並居化育方且衆口仝聲衆心仝願雖寸磔族誅不足以蔽厥辜此正逆賊曾靜惡貫盈滿

神人共殛之日也其逆黨張熙平時以天亶聰明乾位九五之語推崇曾靜聽從主使獻書謀叛均屬十惡所必當誅誠為三宥之無可及者今審據逆賊曾靜暨逆黨張熙種種惡蹟擢髮難數其悖逆上干天道獲罪于

宗憲皇帝者至深至重萬無可寬允宜按律定罪顯加誅戮昭示中外

以正人倫以洩公憤以懲反逆以肅刑章查律內大逆不分首從皆凌遲處死正犯之祖父父子孫兄弟及伯叔父兄弟之子男十六以上不論篤疾廢疾皆斬男十五以下及正犯母女妻妾姊妹之子妻妾給付功臣之家為奴正犯財產入官曾靜張熙合依大逆者不分首從皆凌遲處死令該撫查明該犯嫡屬依律分別具題完結並將所有家產查明入官乾隆元年正月二十五日奉旨曾靜張熙悖亂兇頑大逆不道我

皇考世宗憲皇帝聖度如天以其謗議止及

聖躬貸其誅死並有將來子孫不得追究誅戮之

論旨然在

皇考當日或可姑容而在朕今日斷難曲宥前後辦理雖有不全而衷諸天理人情之至當則未嘗不一况億萬臣民所切骨憤恨欲速正典刑

成案彙編

卷十三

賊盜一

三

于今日若朕又何能拂人心之公惡乎曾靜張熙着照法司所擬凌遲處死餘依議